

## شیخ شامل و مریدلری

صمد شفیع زاده



شیخ شامل و مریدلری، قاجار شاهى، فتحعلی شاهین حاکمیتینه راستلایان بیر دوورده، قافقاز داغلاریندا، اشغالچیلارا قارشى مبارزه یه قالدیلار. "مبارزلرین پارلاق دورو" آدلانان بیر دوورده آشاغی چچن محالیندا یاشایان دینج اهالی وخت آشیری روسلارین هجومونا معروض قالیردیلار. دوشمن یورویوشلرینده تارالاری، اکین یئرلرینی محو ائدیپ، اوشاقلارا بنله رحم ائتمیردی. دوشمن نین آردی کسلیمه ن تجاوزلاری، چچنلری تنگه گتیرمیشدی. اونلارین ان دهشتلی هجوملاری نین آردیجا، چچنلر داهایورولدوقلارینی شیخه دئمگ اوچون دؤرد نفری اونون یانینا گؤندرдіلر. لاکین بوتون قافقاز خالقلاری نین اشغالچیلارا قارشى آیاقلانیدیغی بیر واختدا، بیرعه نین دینج یاشایش فکرینده اولدوقلارینی شیخه دئمگ بؤیوک جسارت ایستیردی. چچنلر خواهش لرنی شیخه چاتدیرماق اوچون شیخین آناسی، مسعوده خانیمدان یاردیم ایسته دیلر. بونولادا مسعوده خانیم اوغلونون گؤروشونه گتتدی. آنا، بالا آراسیندا نه دئییب، نه ائشیدیلدیگینی بیر اونلار و بیرده الله بیلیر. مسعوده خانیمین یاشلی گؤزلری کدرلی احوالی آجی ثانیه لردن خبر وئیردی. شیخ ده مسجده گئدیپ، اوچ گئجه، گوندوز ییب ایچمدن الله - یلا راز و نیازا مشغول اولدو. دؤردونجو گون پوزغون حالدا مریدلری توپلایب قرارینی آچیقلاادی: "چچنلر ایلقارلارینی پوزوپ دوشمنین قوللوقوندا اولماق ایسته ییرلر، آنامدا اونلارین تودوقلاری قرارلاریندا سهمی وار بو عملین جزاسی یوز چوبوقدور." آنانی گتیریب شیخین امرینی اجرا ائتمگه باشلارلار... آنا بشینجی چوبوغا تاب گتیرمه یب هوشدان گنده ر بو آندا داغلارین ایگیدی اوزونو آناسی نین آیاقلارینا آتیب هونکورتو ایله آغلاما قاشلار. اونون امر ایله قالان دوخسان بشش ضربه نی یاشلی گؤزلر اونونده اونا وورارلار... سونرا چچنلری چاغیردیپ، آزادلیقا بوراخیر. اوندان سونرا چچنستانین آشاغی ماحالیندا یاشایان چچنلر اوره کدن مبارزه قوشولارلار. بیر باشقا روایت گوره شیخ، آدی گئدن چچنلرین خواهشینی ائشیدیکده، اونلاری جزالاندیرماق اوچون زندانا سالدی، مسعوده خانیمدا، شیخ ین اجازه سی اولمادان اونلاری سربست بوراخیر. شیخ حادثه نی ائشیدن کیمی آناسی نی جزالاندیرماقا امر ائتدی و یوخاریدا دئیلن ماجرا باش وئردی. نریمان حسن زاده "آذربایجان" نشریه سی نین اوچ مارس ۱۹۸۱ تاریخی ساییسیندا نشر ائیلن شعرینده بو حادثه نی بئله نظمه چکمیشدیر. "روایتدیر / دئییرلر کی، او بیر کره / ییغیب گیزلی، امر ائله دی مریدلره / - بیر دوستاغین گؤروشونه - دئییب، اگر، / آدام سالسا، یا کنشیکچی، یا بیر نفر / هر کیم اولسا / یوز چوبوقلوق جزاسی وار / شیخین ده اؤز مرامی وار، اساسی وار / گئدیپ شیخین آناسینی آختاریرلار / گئجه - گوندوز یالواریرلار یاخاریرلار. / ائله اولور، بیر آدمی آرواد سسیز بوراخدیریر. / اؤز اوغلوندان اجازه سیز / شیخین یاخین، صداقتلی مریدلری / ائله او گون چاتدیریرلار بو خبری / سوسماق اولماز، جزا شیخین جزاسیدیر / فکرلشیر مریدلری، شیخین اؤزو، / اؤره کلرده خیانتین اودو کوزو، / آناسینی دؤیدورسه شیخ، / دوشر سسه / اؤز حؤکمونو پوزاسیدیر، دؤیدورمه سه. / سؤز - صحبتلر گزیر. داغلار دیارینی / هامی شیخین گؤزلییر سون قرارینی / آنا اوغول اوز، اوزه دیر. / حکم قطعی! / باغیشلا سین؟! / کیم ائله سین بو جراتی. / سیز آنامین عوضینه، - دئییر - امام، / یوز چوبوغو منه وورون... من اوغولام / بو صحبتی بیر مجلسده دانیشدیلار. / ائله بیلدیم، طالیمه قاریشدیلار. / اوغول گؤردوم آناسینا بیگانه دیر. / آنا گؤردوم اوغول

اوچون دیوانه دیر. / اوندادئدیم من، آنانین حقی واردیر، اوغول آنا قارشیسیندا گناهکار دیر."

یازی حاقیندا ایستک و گؤروش لری نیزی بیزیمله پایلاشین.

[info@shafizadeh.net](mailto:info@shafizadeh.net) & [shafizadeh\\_f@yahoo.com](mailto:shafizadeh_f@yahoo.com)

➤ یازی نین عنوانی: شیخ شامل و مریدلری

➤ یازیجی: صمد شفیع زاده